

Ropp om poo strani dél dialett dé Rorè

I verbi e la direzion

No roba che a ma sempro face pensaa lè chèla de certi verbi che a dipendenza dé la direzion ch'i ciapa i vegn dropee per om lavor pitost che per omn altro. Chèst lè miga domà ind el nost dialett ma el suced anga in altri.

Con i parol dé la lista chilé sota, el senso del verbo el ciapa om significato che el va begn per om certo lavor ma miga per omn altro:

su, giu, scià, là, sota o sott, via, dent, fora,

Ciapemm per esempi:

el verbo – faa – (fare):

- faa su = faa su no fasina dé pampen
- faa giu = faa giu no letra dè ringraziament
- faa là = faa là el disnaa
- faa scià = faa scià om poo dé legn per èl camin
- faa sota = faa sota succ ai bes'c
- faa via = faa via mosch
- faa dent = faa dent no durmida
- faa fora = faa fora no cà

el verbo – lavaa – (lavare)

- lavaa su = lavaa su el poden
- lavaa giu = lavaa giu i pee
- lavaa via = lavaa via 'l crezz
- lavaa fora = lavaa fora i patusc

Lavoraa

Lè forse èl verbo che 's dropa om poo per tutt e anga per dii ropp che con èl lavor i ga propi nigott a che vedee. Tanti volt om el dropa per dii propi el contrari. A pensi che lè stacc ciapò come sostituto dé : vèss dré a.

Chilé sota quai esempi:

- Lavoraa a faa nigott
- Lavoraa a pensaa
- Lavoraa a dii
- Lavoraa a cuntaa su
- Lavoraa dé fantasia